



Inatsisartunut ilaasortaq Malene Vahl Rasmussen, Demokraatit
Inatsisartut Allattoqarfiat
/Maani

Ingerlatseqatigiiffinni Namminersorlutik Oqartussanit pigineqartunipiginnittut periusissiaat pillugit § 37 naapertorlugu apeqqummut nr. 2019/262-imut akissut.

01-08-2019

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanog.gl
www.naalakkersuisut.gl

Asasara Malene Vahl Rasmussen,

Ingerlatseqatigiiffinnut Namminersorlutik Oqartussanit pigineqartuni piginnittut periusissiaanut tunngatillugu Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigisatit uannit akisassanngortin-neqarsimapput.

Apeqqutigineqartut ima oqaasertaqarput:

- 1. Namminersorlutik Oqartussanit pigineqartut ingerlatseqatigiiffiit qassit pillugit Naalakkersuisut piginnittuuneq pillugu pilersaarusiornikuuppat? Piginnittuuneq pillugu pilersaarusiortoqarsimappat ingerlatseqatigiiffik ataaseq arlallilluunniit pillugit taava taakku akissummut ilanngussatut ilannguteqquneqarput.**

Naalakkersuisut ilisimatitsissutigissavaat ingerlatseqatigiiffiit Namminersorlutik Oqartussanit pigineqartut piginnittuinit suli periusissiuvinneqarnikuunngimmata.

- 2. Suna pissutaava ingerlatseqatigiiffiit ilaat eqqarsaatigalugit piginnittuuneq pillugu pilersaarusiortoqarsimannginneranot? Naalakkersuisut qinnuigineqarput ingerlatseqatigiiffiit ataasiakkaat pillugit tunngavilersuuteqaqqullugit.**

Ingerlatseqatigiiffiit Namminersorlutik Oqartussanit pigineqartut ingerlatseqatigiiffiup maleruagassai, ingerlatseqatigiiffinnut aalajangersimasunut tunngatillugu inatsisit aalajangersimasut naapertorlugit akuersissuteqarsimanerilluunniit naapertorlugit ullumikkut nakkutigineqartarput. Naalakkersuisut qularutiginagu oqaatigissavaat Naalakkersuisut ingerlatseqatigiiffinnik Namminersorlutik Oqartussanit pigineqartunut

sunniuteqarsinnaanissaat eqqarsaatigalugu nakkutilliinissamut periarfissat taaneqartut nammammata.

Ingerlatseqatigiiffiit Namminersorlutik Oqartussanit pigineqartut soorlu angissutsimikkut, unammillersinnaanermikkut niuerfigisamikkullu assigiinngisitaartorujussuupput. Ingerlatseqatigiiffiillu ineriartortinneranni naalackersuinikkut anguniakkat aamma assigiinngitsorujussuusinnaapput.

Taamaattumik ingerlatseqatigiiffiit namminersorlutik oqartussanit pigineqartut ineriartortinneqarneri ingerlatseqatigiiffinnut ataasiakkaanut immikkut periusissat malillugit ingerlanneqarneq ajorput, tamakkuli ilaatigut naalackersuisoqarfinni ataasiakkaani isumagineqartarlutik, taamaasiornikkut ineriartortitsineq ingerlatseqatigiiffiillu suliassai suliassaqarfinnut ataasiakkaanut tunngatillugu pilersaarutaajunnartut naapertorlugit ingerlanneqarsinnaaqullugit.

Ataatsimut isigalugu aktiaateqarluni ingerlatseqatigiiffiit Namminersorlutik Oqartussanit pigineqartut suliatic peqqissaartumik aningaasaqarnikkullu naammaginarumik isumagissagaat anguniagaassasoq pissusissamisuginnarpoq, suliffissaqqissutut isigineqassasut, minnerunngitsumillu inuiaqatigiit ineriartortinnerannut kiffartuunneqarnerannullu iluaqutaassasut.

Aktiaateqarluni Ingerlatseqatigiiffiit namminersorlutik oqartussanit pigineqartut sulineri inatsisinut kiffartuussinissamillu isumaqatigiissutaasunut naapertuuttumik aqqissugaaneri Naalackersuisut akuersaarpaat. Naalackersuisut isumaqarput ingerlatseqatigiiffiit Namminersorlutik Oqartussanit pigineqartut suliassaat suli peqqussutit, inatsisitigut tunngaviliunneqartut akuersissutilluunniit ataasiakkaat aqutugalugit takuneqarsinnaasut atorlugit suli sularineqartassasut.

Ilisimatitsissutigisinnaavara ingerlatseqatigiiffinnik namminersorlutik oqartussanit pigineqartuni suliassat piginnittuunermut tunngasut piginnittut, siulersuisut ingerlatseqatigiiffinilu ulluinnarni aqutsisut ingerlatseqatigiiffinnullu inatsimmi allassimasut naapertorlugit naalackersuisunit aqunneqartarmata.

3. Naalackersuisut qaqugu naatsorsuutigaat ingerlatseqatigiiffiit tamaasa pillugit piginnittuunermut pilersaautinik sanasoqarsimassasoq? Tassunga atatillugu Naalackersuisut qinnuigineqarpuq akissutitik tunngavilersoqqullugit ingerlatseqatigiiffiit ataasiakkaat pillugit piginnittut pilersaarusionerit qanoq tullerriarneqassamaarnersut?


Ingerlatseqatigiiffinnut namminersorlutik oqartussanit pigineqartunut ataasiakkaanut tunngatillu piginnittutut periusissioinnissaq naalackersuisunit massakuugallartoq oqallisigineqarnikuunngilaq. Ingerlatseqatigiiffinnut

namminersorlutik oqartussanit pigineqarrtunut ataasiakkaanut tunngatillu piginnittutut periusissiortoqassanersoq Naalakkersuisuni oqallisigineqaqqaarnissaa kissaatigaara.

4. Suliamut tunngasunik allanik soqutiginaatilinnik Naalakkersuisut paasissutissiisinnanertutik?

Apeqqutinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusilluta

A handwritten signature in black ink, appearing to read 'Kim Kielsen', written in a cursive style.

Kim Kielsen